

S **LO**
Afl. 1.25

BRIYANDO FUERTE • TRECIENDO CLARIDAD
DIAMARS 11 FEBRUARI 2025

Di Pueblo

**AWE NOCHI TIN ULTIMO TOWN
HALL MEETING
PROME CU CIERE TEMPORAL DI
BRANCH DI ELMAR**



WWW.SOLODIPUEBLO.COM



SOLODIPUEBLO@GMAIL.COM

PROME MINISTER TA ADVERTI RIBA SCAM CU TA CIRCULA RIBA MEDIANAN SOCIAL

**“Gobierno di Aruba no tin nada di haber cu e acto
delincuenta aki”**



VIDEO DI BISIÑA A CAPTA CASI 20 TIRO DI POLIS RIBA HOBEN DI 19 AÑA

Un video cu a circula riba red social dialuna durante dia, a muestra un grabacion di un bisiña, cu a capta sonido di tiro. Por scucha como 20 tiro a wordo gelos.

Expertonan di pistol a informa Solo di Pueblo cu un peña di bala ta carta 15 of 16 bala. Y easy kemen cu no ta un polis a tira, pero dos

polis a tira. No por ta otro cu tur dos polis den patruya a usa nan pistol pa shoot riba e auto, den un forma excesivo.

Ta lanta e sospecho serio, cu e balanan excesivo aki no ta normal. Kico a bay robes? Investigacion lo mester determina.



**PARLAMENTO TIN TUR
INFORMACION PA POR
YAMA REUNION PUBLICO
PA ATENDE
PRESUPUESTO 2025**



Awo cu 2 florin mas, bo por gana e MEGA PLUS

***Afl.**

2.200.000,-

***Afl. 1.400.000,- + Afl. 800.000,-
extra**

Benta ta sera 7:30 pm y sorteo ta hunga 7:45 pm



HUNGA AWO



CUERPO POLICIAL TA CONVIVI CU NOS COMUNIDAD CU E SITUACION LAMENTABEL

Altocomisario di Polis sr. Ramon Arnhem ta reaciona riba e incidente di tiramento na unda un hoben a perde su bida.

Diadomingo mainta despues di 5'or un incidente di tiramento hopi lamentabel a tuma lugar, na unda durante un persecucion un hoben di 19 aña a perde su bida.

Na prome lugar nos pensamento ta bay na e famia di e victima. Nos ta lamenta profundamente for di nos curason y ta deseanan hopi forsa den e momentonan dificil aki.

Na mes momento nos ta convivi cu nos coleganan

cu ta envolucra den e incidente y awo lo mester deal cu e consecuencianan. Ta importante pa enfatisa cu niun di nos polisnan ta bay traha y sali patruya cu e intencion di uza nan arma reglamentario.

Mi ta compronde tur e emocionnan y indignacion cu tin ariba medianan social cu ta wordo comparti di e incidente. Di berdad, ta crucial pa warda riba e investigacion di Landsrecherche keda cla prome cu nos por saca nos conclusion of speculation.

Landsrecherche ta un instancia independiente cu ta percura pa e

investigacion cana su caminda manera mester ta.

Nos tin pleno confiansa den nan profesionalismo y nan experticio y lo warda e resultado di e investigacion.

Nos kier enfatisa cu provoca violencia of rumornan di culpabilidad sin base basa riba speculation ta inadmisibel. Nos ta monitoriando tur plataforma socialnan y lo actua contra di tur esakinan

Na final nos kier a señala cu tin speculation bayendo rond di coleganan cu na niun momento ta envolucra



den e caso encuestion. E ta in hustamente y dañino pa cu nan. Nos ta pidi na tur hende pa no share informacion cu no ta veridico.

Mi ta mas cu sigur cu e investigacion di Landsrecherche lo trece claridad kiko exactamente

a tuma lugar. A base di e resultado si ta necesario nos lo tuma e medidanan necesario. Un biaha mas nos pensamento ta cu e famia di e victima y nos coleganan di e incidente tragico aki.

CHAUFFEUR BAO INFLUENCIA A BAY DAL DEN MATA DI KWIHI Y CAUSA DAÑO NA PALO DI LUS



Dialuna madruga a drenta informe di un accidente na Caya G.F. "Betico" Croes dilanti Flamingo Apartments, meora a dirigi un patruya na e sitio. Na yegada di e patruya a bin compronde cu e chauffeur di un pick-up a perde control baha caminda bay dal riba un mata di kwihi y causa daño na un palo di lus. Ora polis a test e chauffeur a bin resulta cu ela surpasa e limite permiti pa ley. Polis a detene y a bay cun'e na warda di polis. Takelwagen a bin kita e auto y Elmar su trucknan a sera e caminda pa haci nan trabaonan di reparacion.



Prome Minister Evelyn Wever-Croes:

PROME MINISTER TA ADVERTI RIBA SCAM CU TA CIRCULA RIBA MEDIANAN SOCIAL

“Gobierno di Aruba no tin nada di haber cu e acto delincuente aki”

Den e ultimo dlanan aki, por a tuma nota di un scam fraudulento cu ta circula riba varios plataforma di medianan social afirmando cu residentenan di Aruba por ricibi un suma grandi di placa a traves di un programa di inversion cu ta liga na un entidad cu e nomber "PrimeAurora". Esaki ta totalmente falso y autoridnan di Aruba hunto cu expertonan cibernetico ya ta investigando e acto fraudulento aki.

Ta trata di un scam sofisticada crea pa delincuentenan pa gaña y causa daño na uzadonan inocente di medianan social. Cualquier persona cu ta compromete nan mes riba e oferta fraudulento aki, ta na riesgo di perde nan placa. Prome Minister Evelyn Wever-Croes ta enfatisa cu Gobierno di Aruba no tin nada di haber cu e acto

delincuente aki y tampoco esaki no tin ningun sosten legal pa niun instituto financiero di nos pais.

E mensahe cu ta circula ta sugiri cu si un persona inverti un suma di placa di AWG.200,-, e por ricibi pagonan regular y pa bida di devolucionnan di impuesto di un suma di AWG.6.500,-. Esaki, Prome Minister a expresa, ta un trampa cu ta propaganda placa facil y ta conoci cu tin usarionan di medianan social ya a cay den dje.


Prome Minister ta urgi cada ciudadano pa keda vigilante y no cay den e trampa di niun oferta financiero sospechoso of di plataformanan online cu ta haci ofertanan y promesa con pa haya placa facil. Consejo ta keda pa cada usuario di medianan social, raporta cualkier

oferta dudoso.

E fuente di algun scam ta bin for di e plataforma di noticia local Aruba Today pero e nomber di e website no ta corespondiente na e plataforma di Aruba Today. Esaki ta un detaye cu usarionan di internet mester tene cuenta cu ne pa saca afo e autenticidad di informacionnan.

Proteha bo mes y bo famia y amistadnan. Ta importante pa sigui desaroyonan financiero via canalnan corecto entre otro, via autoridnan concerni, via nos plantanan di television local, via radionan local confiabel, via website di Gobierno, via paginanan social di Gobierno, y via corantnan confiabel.

Ora cu ripara un link, y ta duda, no click riba dje; raporta e link na e plataforma relevante; si



bo ta duda, puntra un famia of amigo; educa bo amigo y famianan tocante e peligronan di estafa via internet, especialmente; comprende e mensahe, si e oferta ta zona irealistico y no a bin di un fuente confiabel, cu ta haci promesanan pa haya placa facil sin gana of traha p'e, hopi sigur ta pasobra e ta falso.

Prome Minister:

“Mi ta pidi tur ciudadano pa ta alerta y no click riba e link di e scam aki ni comparti e link cu otro hende. E link ta diseña pa saca informacion personal, data financiero y otro detayenan sensitivo cu ta pone bo na riesgo. Estafodonan generalmente ta uza mensahenan atractivo pa gaña nan victimanan, pero nos mester keda alerta y no cay den nan trampa”.

ACCIDENTE ORA UN AUTO A KITA PA OTRO NA BANDA RIBA J.G. EMANSTRAAT



Diabierna merdia a drenta informe di un accidente

riba J.G. Emanstraat, mesora a dirigi un patrulla na e sitio. Na yegada di e patrulla a bin compronde cu aki ta trata di un accidente unda un auto a bay desvia pa un otro y a bay dal den banda di un otro auto pasando. Afortunadamente ningun hende a resulta herida.



MAS CASO DI KIEBRO Y LADRONICIA FOR DI AUTO HASTA DILANTI CAS DI DIOS LADRONNAN A HORTA



Diadomingo mainta a drenta informe di caso di kiebros y ladronia banda di Misa di Santa Cruz, mesora a dirigi un patruya na e sitio. Na yegada di e patruya a bin compronde cu aki ta trata di un caso di kiebros cu ladronia for di un auto. Polis a tuma e keho aki y a pas'e pa e team di auto-diefstallen.




AUTO A PERDE CONTROL RIBA SASAKIWEG DAL PALO DI LUS Y BOLTER



Diadomingo madruga a drenta informe di un accidente cu hende herida riba Sasakiweg, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu un chauffeur ta perde control baha caminda dal un palo di lus y bolter.

Na yegada di e ambulans nan a atende e victima y a transporte pa hospital.





Minister Maduro di Finansa ta informa: **PARLAMENTO TIN TUR INFORMACION PA POR YAMA REUNION PUBLICO PA ATENDE PRESUPUESTO 2025**

Minister Maduro di Finansa ta informa cu Presupuesto 2025 ta na Parlamento di Aruba desde 29 di augustus 2024.

Desde siman pasa e contestanan di Gobierno tambe a bay pa Parlamento, pues Presidente di Parlamento tin tur

informacion pa asina por yama e reunion publico pa atende cu Presupuesto 2025.

Tardansa a surgi cu eleccion y e desicion di Parlamento pa no trata Presupuesto 2025 prome cu e Gobierno nobo sinta.

Sinembargo e formacion ta tardando demasiado y esaki ta trece trabounan den peliger di core cu retraso grandi, entre nan, presupuesto 2026.

Pues Minister Maduro ta spera cu pronto Parlamento por trata Presupuesto 2025 pa asina evita mas retraso.

AWE NOCHI TIN ULTIMO TOWN HALL MEETING PROME CU CIERE TEMPORAL DI BRANCH DI ELMAR



N.V. ELMAR ta informa comunidad di p'ariba di brug cu awe nochi lo tin e ultimo Town Hall Meeting prome cu e cierre temporal di e Branch di ELMAR. Entrante diabierna 21 di Februari e sucursal na San Nicolas lo inicia su prome fase di renobacion y pa es motibo e sucursal na San Nicolas lo keda cera te cu proximo aviso.

Tur cliente di San Nicolas y vecindario, sea bon informa cu dia 20 Februari lo ta ultimo dia cu ELMAR San Nicolas lo ta dunando

servicio. Opcionnan di pago online ta keda disponibel via cuenta di banco of via Pay.aw.

Pa esnan cu ta prefera di acudi personalmente pa paga nan cuenta di ELMAR lo por sigui haci esaki na e siguiente instancianan disponibel:

- Pago di factura na MFA San Nicolas y Savaneta
- Pago di factura na WEB Aruba na Balashi
- Tur Servico na ELMAR Oranjestad of Hato
- Servicio di peticion pa instala meter via Contact Center na 523-7100
- Customer Service via email na customerservice@elmar.aw
- Pago Online: Online Bill Payments, Pay.aw, Standing Order.

ELMAR a tene su prome Town Hall Meeting dia 17 di januari cu e meta di informa comunidad p'ariba di brug tocante e proyecto di renobacion di sucursal San



Nicolas y kico tur lo haci pa comunidad di San Nicolas. E anochi aki e comunidad a haci hopi pregunta y ta encurasha tur esnan cu no a logra asisti e prome

Town Hall Meeting, pa asisti awe diamars 11 di Februari di 7pm pa 9pm na Teresita Center pa nan keda bon informa di e cambionan.


KIEBRO Y LADRONICIA FOR DI AUTO A BOLBE LANTA CABES AWOR NA PONTON



Diadomingo mainta a drenta informe di un caso di kiebro y ladronia for di un auto na Ponton, mesora a dirigi un patruya na e sitio.

Na yegada di e patruya a bin compronde cu aki ta trata di un caso di kiebro y ladronia for di un Mitsubishi Outlander unda un desconocido lo a kibra rancando un bentana completo di e auto y drenta paden reboltia tur cos den e auto y bay cu pertenencianan di e doño di e auto.

Polis a tuma keho di e susedido.



ACCIDENTE HIT & RUN RIBA E “GREEN CORRIDOR” NA MAHUMA



Diadomingo mainta a drenta informe di un accidente na Mahuma, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda un Nissan March a bay dal tras di e auto y a sigui core bay.

Pero prome cu esey a sosode e chauffeur cu a keda atras a saca potret di e auto cu a bay.

Lo ta miho pa e chauffeur ey bay warda di Balashi pa asina e evita cu polis bay su cas of trabao y pone pasa berguensa y detene.



“STUDENTEN COMMISSIE ARUBA” A KEDA INSTALA OFICIALMENTE DURANTE CEREMONIA NA GABINETE DI ARUBA

Den Haag – Na Gabinete di Aruba a tuma lugar un ceremonia pa instala oficialmente e prome miembronan di e “Studenten Commissie Aruba” (SCA). Esaki a sosode den presencia di Prome Minister demisionario Evelyn Wever-Croes, Minister Plenipotenciario demisionario Ady Thijsen, director di Gabinete di Aruba Joselin Croes, mentornan, representant nan di ministerio di OC&W y personal di Gabinete di Aruba.

E “Studenten Commissie Aruba” ta consisti di shete (7) miembro kendenan a keda apunta despues di un procedura di solicitud. E miembronan – reparti den diferente region - ta Roderick W. Atmowirono, Chloe Manon Ruiz, Alejandra Mc Bene Courtar Moreno, Nathan Perez, Emile Lambrinos, Tai Kon Ashley Trimon-Lee, Delaiah Edilianne Tromp y nan ta bin di e region nan di Utrecht, Nijmegen, Arnhem, Limburg, Rotterdam, Den Haag y Leiden.

Prome cu e ceremonia e shete miembronan a firma e acuerdo di e SCA y despues durante e ceremonia special a keda instala. Na e ocasion aki Minister Plenipotenciario demisionario Ady Thijsen a tene un discurso unda e mandatario a acentua e importancia di tin un organisacion di estudiante

cu conoce e mundo estudiantil y asina por ta duna aviso na Gabinete di Aruba. Minister Thijsen a bolbe ripiti cu pa Aruba ta importante cu nos studiantenan regresa Aruba.

Director di Gabinete di Aruba Joselin Croes a introduce e miembronan di e SCA cu un storia chikito di nan trayectoria. E miembronan despues a duna un splicacion di nan motivacion pa a solicita pa ta parti di e SCA y kico ta nan idea y plannan pa e comunidad estudiantil Arubiano. Senora Croes a bisa cu tur esaki ta posibel danki na e trabao duro di e departamento di Enseñansa di Gabinete di Aruba en especial Ivonne Navas y Jennifer Sneek.

Finalmente Prome Minister a duna un palabra di gradicimento na e miembronan pa a dicidi di ta parti di e SCA aki y ta sigur cu nan trabao lo ta na beneficio di studiantenan Arubiano na Hulanda y a desea tur e miembronan di SCA hopi exito

E idea pa lanta un “Studenten Commissie Aruba” ta e resultado di e diferente sesionnan di brainstorm cu a tuma lugar y encuestanan haci bou di studiantenan. Aki a sali afor cu e deseo di e studiantenan ta pa wordo scucha y pa tin mas voz riba e maneho, plannan y guia di studiantenan Arubiano na Hulanda. Meta di SCA ta pa duna conseho na



Gabinete di Aruba riba asuntonan cu ta di interes pa studiantenan Arubiano na Hulanda. Alabes SCA lo yuda pa fortifica e lasonan entre Gabinete di Aruba y studiantenen. Tambe SCA lo yuda Gabinete di Aruba cu idea pa encuentronan, workshops, jobfairs y duna informacion nan studiantenan.

E miembronan di e SCA a keda nombra pa e periodo di 7 di Februari 2025 te cu 31 di December 2026. Despues lo start un procedura di solicitud nobo pa apunta e miembronan pa e siguiente periodo di un año.

Nota pa redaccion: E Arubahuis potretnan ta cortesia di

Clasificados

SOLODIPUEBLO@GMAIL.COM

CEL. 585 9500

Prome Minister Evelyn Wever-Croes:

Durante un encuentro na Rijksuniversiteit Leiden, PROME MINISTER A RICIBI TESIS DI STUDIANTE STEVEN BOEKHOUDT Titula “Wederzijds Wantrouwen: Financieel Toezicht op Aruba”



Durante su biahe na Hulanda, Prome Minister Evelyn Wever-Croes tawatin un encuentro cu e estudiante Arubiano, Steven Boekhoudt. Steven ta finalizando su estudio y durante e encuentro a presenta e resultado di e tesis na Prome Minister.

E tesis ta titula “Wederzijds Wantrouwen: Financieel

Toezicht op Aruba”. Steven ta studia Economia na Rijksuniversiteit Leiden y a skirbi un tesis riba e Supervision Financiero di Aruba. Pa esaki el a haci un investigacion na tur dos banda di e oceano riba con a yega na e situacion cu leu leu Aruba y Hulanda ta den un impasse cu otro ora ta trata di supervision financiero.

Prome Minister ta pone enfasis riba e echo cu e scriptie di Steven no ta cuminsa na e ultimo añanan so, sino el a bay bek na te na 1986, tempo di Status Aparte ora Aruba a bira un pais den Reino. Hasta e ta elabora riba e Statuut den e scriptie cual ta algo cu ta data di hopi aña prome. Despues e scriptie ta sigui, indicando riba e situacion cu a conduci na e supervision financiero di Aruba, cual tawata e tempo di e maneho desastroso di e Gobierno na 2014 cu a conduci na e welga di hamber y na e mesun aña 2014, a bin e supervision financiero y e ley mes a bin na 2014-2015. Di eynan e tesis ta bin mas padilanti na e pandemia y te unda Aruba ta para den actualidad.



Prome Minister: “Tawata un combersacion ameno y interesante. Awor mi tin un tesis hopi interesante pa bay lesa. Ta trata di un pakete diki, bon studia y bon documenta. Ta pa prome biaha cu a documenta tur loke a pasa na Aruba riba e supervision financiero durante e añanan.

E documento aki lo ta un legado pa henter Aruba. Den futuro, lo por haci e documento aki publico asina mas hende por tuma nota di e echonan. Pabien Steven cu e tesis y cu bo titulo di Master in Public Administration, Economics & Governance na Leiden University y danki pa comparti e tesis cu mi”.

HOMBER HAYA DEN AUTO TUR MAL GOLPIA NA UN BAR NA NOORD



Diadomingo madruga a drenta informe di un pelea na un bar na Noord, mesora a dirigi patruyanan na e sitio. Na nan yegada aparentemente a compronde cu e hendenan a bay, pero despues di un rato a haya un persona mal golpia den un auto den cercania. Polis a pidi presencia di un ambulans



na e sitio, na yegada di e ambulans nan a atende e victima y a transporte pa hospital. Polis a topa cu un dama tambe maltrata y polis a tuma su datos y posiblemente local a sosode.

DEDICACION Y TEAMWORK TA DEN SU 'HIGRA'

OSLIN HENRICUS TA HOH SU PROME EMPLEADO DI LUNA PA 2025



Colega Oslin Henricus a hay'e poco straño cu su clustermanager a pidi'e pasa cerca dje. Pero sin pensa dos biaha ela bay y sin sa cu tin un sorpresa grandi prepara pe. Na momento cu e ela pasa busca su 'koffie' pa dje y pasa cerca clustermanager su coleganan brancardier, diferente hefe y tambe su coleganan di piso B3 y otro departamento a grita 'surprise'. Ela keda keto un rato prome cu a realisa kico precies tabata pasando. Hopi sorprendi Oslin tabata ora ela realisa cu e ta e prome empleado di luna di año 2025.

Semper Oslin ta yega mas trempa cu su shift pa

prepara su dia. Su funcion ta brancardier, pero e tin talento pa haci mas cos cu no ta parti di su trabou regular. E ta bisti mas pechi entre otro ta mantene tur rolstoel y ta percura pa nan tur funciona manera debe ser. Ademas ta haci reparacion unda tin mester sea ta riba rolstoel, kashi of cualkier cos riba cualkier piso. Asina e ta bay e 'the extra mile' y ta yuda pensa con por mehora algo of hacie diferente pa bin cu solucion. Nada ta dimas pe y e ta yuda cualkier caminda na HOH cu nan mester di un extra man.

Banda di ta brancardier, e ta un miembro hopi activo di HOH su Hulpverleners



Team (HVT). E ta yuda cu diferente training y ta ripara ora algo no ta corecto cu por stroba na momento di un calamidad, por ehempel si un cama ta blokia un salida di emergencia.

Oslin ta cumpli cu tur su trabou y semper ta amabel, rustig y ta trata tur hende, specialmente pashent, cu hopi respet. E ta un colega hopi flexibel, no solamente durante orario di trabou

pero tambe den yuda colega y asisti pashent y nan famia. E ta duna e servicio y atencion cu nan tin mester y ta duna extra di su mes pa sigura cu su servicio di brancardier ta mas placentero posibel pe pashent.

Pa resumi, Oslin ta un empleado cu tin un balor inmenso pe organisacion. E ta dedica na su trabou, su pashentnan y su team den

su totalidad. Un persona cu gusta su trabou y ta super motiva y no lubida e sonsrisa cu semper t'ey. Coleganan ta contento cune y siguramente ela demostra di merece e bunita titulo di ta empleado di luna. Hunta di directiva y team completo di HOH ta felicita Oslin pa su reconocimiento como empleado di luna di januari 2025. Masha pabien Oslin!

GRAN CLASICO INTERNATIONAL - UN GRAN EXITO

Replica y Secreto a bira e Gran Campeonnan

Reconocimiento di Embahador na Earnie Schoop y Stanley Ignacio



E fin di siman tras di lomba a tuma lugar e “Gran Clasico Internacional” di cabai na Villa Floralina. Un total di 18 cabai a bin di Corsow pa competi ferozmente contra cabainan di Aruba. Un publico grandi y anima a goza di e bataya entre e cabainan, cu a ser huzga pa e juez veterano di Bogota, Mauricio Camacho. E feria a duna un fuerte indicacion cu e deporte di cabai a drenta un era nobo, cu hopi animo y hopi expectativa. Den e categoria di macho paso fino tabatin un fuerte disputa pa e titulo di Gran Campeon y finalmente “Secreto de Magico” di famia Michael de Cuba a gana di “Sueño Dorado”

di Ricky Winkel di Corsow den e final emocionante, bou grito y aplauso di e fanaticonan di Aruba. Den yegua tambe e final a bira un di hopi emocion. ‘Replica de la Trocha’ pa gran alegria di su doño Giyo Martina di Corsow a bira e Gran Campeona, ganando “Azucarada de San Isidro” di Criadero Alma. Di e forma aki e 2 premionan maximo a keda bunita reparti entre e islanan. Den e modalidad di trocha “Herederero del Rey” di Villa Floralina a bira e Gran Campeon y e mesun criadero tambe a gana e competencia di trote & galope cu nan ehemplar “Conquistador de Villa Floralina”. Bunita pa

mira cu crianan local ta alcansando un nivel asina halto. Den cabainan hoben di paso fino tabata un placer pa mira con “El Junior” di Floralina a bira e campeon den potro, mientras cu “Picamimosa” di Jowey Velasquez di Corsow a recibi e mesun corona, pero den potranca. E mihor potro fino den proceso cu a debuta den e feria aki a bira un yiu di “Secreto”, “Zafiro Azul” di Rancho Monte Azul. E mihor Capon di e feria tabata “Polvo Robado” di famia Magdalena di Corsow. Den competencia di cabainan di paseo, “Chiquinquira de la Mecanica” di Fernando Lewis a bai cu e gran titulo den paso fino, mientras cu e mihor yewa di trocha paseo a bira “Bienvenida” di Famia Mouawad. Durante e feria directiva di Organizacion Caballista Arubano (OCA) a honra dos baluarte di Corsow. Earnie Schoop tabatin un rol indispensable den e realizacion exitoso di e Gran Clasico, dedicando hopi hora pa tur cos a


cana nechi regla pa e cabainan di Corsow por a hasi e viaha, danki na un donacion grandi y espontaneo di e compania “Don Andres”. E segundo distincion di “Embahador di Bon Boluntad” a bai pa Stanley Ignacio, kende pa masha hopi aña a percura pa tin un bon relacion entre e dos islanan. Stanley ta co-fundador

di e federacion mundial “Confepaso”. Semper Stanley tey pa busca solucion ora cu cos pega. E anochi di Diasabra a sera cu un baile masha anima cu musica di e banda “Vallenato Plus”. Proximamente Aruba lo reciproca e bishita di Corsow y competi na nos hermana isla pa e deporte sigui crese.
















Clasificados




SOLODIPUEBLO@GMAIL.COM
CEL. 585 9500



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - February 10, 2025

 Sorteo # 4533 7987 8764 9910  X2  Sorteo # 4533 5580  X2  Sorteo # 2589 2877  Sorteo # 4533 7085 Sagitario  Sorteo # 1407 138  FP	 <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">100.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table>	Sorteo #	Joker	Letter	0 x Jackpot	Proximo Jackpot		0 x Match 4+	100.000,-		0 x Match 4			0 x Afl. 12,00			 <table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="4">62.000,-</td></tr><tr><td>0 x Match 4</td></tr><tr><td>0 x Afl. 8,00</td></tr><tr><td></td></tr></table>	Sorteo #	Proximo Jackpot	0 x Jackpot	62.000,-	0 x Match 4	0 x Afl. 8,00		 <table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td rowspan="4">1.400.000,-</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table> <div>Afl. 2.200.000,-</div>	Sorteo #	Mega Ball	0 x Jackpot	Proximo Jackpot	0 x match 4	1.400.000,-	0 x Afl. 500,00	0 x Afl. 50,00	0 x Afl. 15,00	 <table><tr><th>Sorteo #</th></tr><tr><td></td></tr><tr><td></td></tr><tr><td></td></tr></table> 	Sorteo #			
Sorteo #	Joker	Letter																																					
0 x Jackpot	Proximo Jackpot																																						
0 x Match 4+	100.000,-																																						
0 x Match 4																																							
0 x Afl. 12,00																																							
Sorteo #	Proximo Jackpot																																						
0 x Jackpot	62.000,-																																						
0 x Match 4																																							
0 x Afl. 8,00																																							
Sorteo #	Mega Ball																																						
0 x Jackpot	Proximo Jackpot																																						
0 x match 4	1.400.000,-																																						
0 x Afl. 500,00																																							
0 x Afl. 50,00																																							
0 x Afl. 15,00																																							
Sorteo #																																							

Chauffeur burachi a causa un accidente na Schotlandstraat



Diadomingo madruga a drenta informe di un accidente na Schotlandstraat, mesora a dirigi un patruya na e sitio. Na yegada di e patruya a bin comprome cu un chauffeur burachi a perde control y a bay dal contra e hekki di un negoshi. Ora polis a bay test e chauffeur a bin resulta cu e ta bao influencia. Polis a detene e chauffeur y a bay warda di polis cun'e. Cu takelwagen mester a kita e auto for di eyman.

Chauffeur coriendo un suv casi nobo cu velocidad halto a bay accidenta na rotonde Santa Helenastraat



Dialuna maduga a drenta informe di un accidente cu hende herida na e rotonde Santa Helenastraat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda e chauffeur di un suv casi nobo biniendo cu velocidad halto a perde control aubi e rotonde dal kashi coriente y un palo di lus. Debi na e impacto e chauffeur a resulta herida. Na yegada di e ambulans nan a atende e victima.

E auto mes a keda basta kibra y cu takelwagen mester a bahe for di e rotonde.

NOS SELECCION DI ARUBA UNDER-17 A SALI RUMBO PA PANAMA CAMINDA NAN LO BAI HUNGA CONCACAF WORLD CUP QUALIFIERS UNDER 17

Aruba ta group G huntu cu:
Panama
Dominica Republiek
Granada

Staff Technico:
Head Coach: Reinhard Breinburg
Asst Coach Ronnie Nouwen y Jean-luc Bergen
Keepers trainer Lionel Kaarsbaan
Dokter Ricardo Vargas
Kit Manager Elviro Ridderstap
Head of Delegation Raymbert Bikker.

Wega nan lo tuma lugar
10 February contra Dominica Republiek
12 February contra Panama
15 February Grenada

Hungador Selecciona ta



den e flyers. 9 hungador di Aruba. 12 hungador for di Hulanda.

CHAUFFEUR POCO BEBI A PERDE CONTROL RANCA PALO DI LUS Y BAY CAY DEN ROOI



Diadomingo madruga a drenta informe di un accidente cu hende herida na Sasakiweg, mesora a dirigi tanto polis como ambulans na e sitio. Na yegada di e patruya a bin compronde cu e dama chauffeur poco bebi a perde control baha caminda

ranca palo di lus y finalmente bay cay den rooi. Na yegada di e ambulans e dama a bisa di no kier ni mester atencion medico. Polis a test e dama y a bin descubri cu e dama ta net na e rand di e limite y a dun’e djies un boet. Apart di e gastonan ocasiona.

E BON NOTICIA HENDE NO TA NACE DI E MESUN SEXO OF DI TRANSGENERO, PERO DI HOMBER Y MUHER

Cada hende na mundo ta nace di un pareha, di homber cu muher. Un famia ta wordo lanta pa medio di tata y mama. Y bo mes, di unda bo ta kere cu ba bini? Den Bijbel Genesis 2: 4-24, na principio di creacion, Dios Tata a traha homber y muher, nan number ta Adam y Eva. Dios Tata a traha homber y muher, pa procreacion humano. Tambe nos por lesa den Bijbel Marco 10: 6 – 9, na unda Cristo Hesus ta bisa: “Na principio di creacion Dios a traha homber y muher, p’sey e homber lo laga su tata y su mama pa e uni cu su muher y nan dos lo bira un solo curpa.” Akinan Dios ta uni e homber y e muher den enlaso Matrimonial, pa nan haci nan relacion sexual pa nan lanta famia. Den e union aki, di homber y muher, e yiunan ta sigi e ehempelnan di nan tata y di nan mama. Dia cu e yiunan bira grandi, nan tambe ta casa pa lanta famia, mescos cu nan tata y nan mama. Awor, ta di unda ta bini cu homber cu homber y muher cu muher y transgenero, kier e union di casamento? Den Bijbel Genesis 19: 1 – 23, pakiko Dios Tata a destrui y a caba cu tur e habitantenan den e ciudadnan grandi di Sodoma y Gomorra cu candela y azufre? Pasobra e ciudadnan di Sodoma y Gomorra tabata habita pa homosexualnan, lesbiananan y di tur clase di relacionnan sexual immoral y deshonesto. Den Bijbel Romanonan 1: 24 – 32, na unda Dios Tata a destrui y a caba cu tur e habitantenan di Sodoma y Gomorra, pa motibo di nan mal pasionnan cu e diabel a hinka den nan mente, den deseonan impuro. Di manera cu nan a deshonra nan mes curpa, nan a cambia e berdad di Dios pa mentira y nan a honra y adora idolonan, na lugar di Dios Creador. Nan muhernan a cambia tradicion natural pa esun contra naturalesa. Mescos tambe, hombernan a kita tradicion natural cu muhernan y a inflama nan mes den pasion cu hombernan. Hombernan ta

comete deshonestidad cu hombernan. Asina nan ta haya den nan mes, e castigo mereci pa nan errornan. Nan ta yen di tur sorto di inhusticia. Nan ta haya, cu no ta bale la pena pa reconoce Dios. Maske cu nan ta reconoce e sentencianan di Dios, nan ta obra den maldad y p’sey nan ta merece morto. Nan mes ta haciele concientemente y nan ta aplaudi na esnan cu ta hacie tambe. Nan ta stroba Dios Su procreacion humano door di nan inmoralidad sexual y deshonesto, den oral y anal sex. Den Bijbel Genesis 19: 1 – 23, na unda tur e hombernan (homosexualnan) di Sodoma a rondona e cas di Lot y nan a bisa Lot : “Na unda e dos hombernan ta, cu a yega bo cas anochi? Sacanan afo, pa nos tene relacion sexual cu nan.” Lot a bisanan : “Mi ta roga boso mi rumannan, no comete tal maldad aki.” Aki nos por comprende, cu e dos hombernan cu a bin na cas di Lot, nan tabata Angelnan di Dios, cu a bin pa trece husticia y castigo y Dios a castiga e habitantenan inesperadamente. Akinan nos por mira, con grandi e ofensanan y e pikanan di inmoralidad y deshonesto tabata ta, cu Dios Tata a kita bida di tur e habitantenan. Bijbel Levitico 20: 13 : “E homber cu drumi cu un homber manera cu ta drumi cu un muher, nan dos ta comete actonan repugnante, nan dos lo muri y nan sanger lo cay riba nan.” Bijbel Levitico 18: 22 : “Lo bo no tin relacion sexual cu un homber manera cu sa haci cu un muher, esey ta algo abominabel.” P’sey, no bini cu e leynan cu ta bini for di abismonan di fierno, pa desvia hendenan den perdicion di condenacion mescos cu Sodoma y Gomorra. Haci mescos cu e president di Merca Donald Trump a haci. E’l a bin cu un Ley nobo den e Constitucion di Merca, cu lo bai tin solamente dos gender di hende, esta homber y muher.

Scirbi pa Seferino Tromp
Un mensahero di Dios.

Nos Selecccion U-17 a jega Panama pa asina awor ta completo huntu cu staff



E seleccion realisa nan prome training na stadion Yappy na Panama. E prome training tawata 11am pa asina e seleccion custumbra un tiki cu weer cayente mirando Selecccion U-17 tin dos wega 4pm orario cu lo ta basta cayente y calor.

Tur wega lo ta stadion: Rommel Fernandez Guterrez un stadium cu tin un capacidad di 32 mil hende.

Dialuna 10 February Aruba lo topa Republica Dominicana pa 4pm

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500



Entrega di Registro di Personal 2024

ORANJESTAD – E Ordenansa Laboral 2013 (Arbeidsverordening 2013, AB 2013 no. 14) ta vigente desde 1 di april 2013. A base di articulo 28 y articulo 30 di e Ordenansa Laboral 2013 tur compania ta obliga di ta den pertenencia di un Lista Laboral (Arbeidslijst) y un Registro di Personal (Personeelsregister). E implementacion di articulo 28 y articulo 30 di e Ordenansa Laboral 2013 ta regla den e Decreto Nacional Registranon di Ordenansa Laboral 2013. E modelo di e Lista Laboral y Registro di Personal ta wordo regla den e Decreto Nacional menciona anterior y ta obliga e dunador di trabou pa entrega e Registro di Personal na Director di Departamento di Labor & Investigacion (DAO).

Den e formulario di e Registro di Personal 2024 (model 1A) ta indica e cantidad di personal registra den 2024. Den e formulario (consistiendo di dos parti) di e Personeelsbehoefte

(Manpower Planning) 2025 ta identifica e necesidad pa personal pa e aña venidero (Modelo 1B) y e necesidad di personal pa cada proyecto specifico den 2025 (Modelo 1C), manera ta wordo indica den Modelo 1B.

Departamento di Labor y Investigacion ta informa pa medio di e comunicado di prensa aki cu e periodo di entrega di Registro di Personal 2024 pa tur empresa na Aruba lo ta di 5 februari 2025 te cu 16 april 2025.

Desde aña pasa DAO a introduci un metodo nobo di entrega di e documentonan aki serca DAO. E metodo nobo aki ta ensera pa companianan, a traves di un portal cu su mesun login, haya aceso na e database di DAO (LABORA) unda cu por entrega/suministra e datos di e Registro di Personal y di e Manpower Planning. Aki e compania por haya aceso na nan datos na cualkier momento. Si bo ta desea pa participa den e metodo

nobo aki por manda un email pa Sr. Simon Brete (simon.brete@aruba.gov.aw).

Registro di Personal 2024 E unico forma cu por entrega e Registro di Personal ta den e forma digital. Si bo no tin aceso ainda na e database di DAO (LABORA) (segun metodo nobo di entrega), desde 5 februari 2025 por download e formulario digital (cual ta consisti di 2 Excel-file) for di website www.daoaruba.com of www.gobierno.aw (Excelsheet template: DAO Personeelsregister 2024 y tambe DAO Personeelsbehoefte 2025), of por haci un peticion via e-mail na aanvraagpr@gmail.com y DAO lo mail bo e dos Excelsheet. Nos ta pidi pa lesa e splicacion atentamente momento cu ta bay yena e Excelsheet. Tambe ta haci un peticion pa momento cu ta yena e informacion pa verifica cuidadosamente e detayes di e empleo pa asina segura cu esaki ta coresponde cu bo administracion y e payslip.

Unda y con por entrega e Registro di Personal 2024 DAO ta haci un peticion pa hinca e datonan den e formulario digital, segun e modelo stipula pa ley, y pa manda nos esaki na e-mailadres arbeidsmarktaruba@gmail.com.

Den caso cu bo compania tin un of mas sucursal, DAO ta haci un peticion pa yena e Registro di Personal no solamente pa e oficina principal (hoofdvestiging) (p.e. KvK-nummer 5555.0) pero tambe pa cada sucursal (p.e. KvK-nummer 5555.1, 5555.2 etc.). Ta pidi tambe pa indica cua trahadonan ta rouleer door di pone un strea (*) den kolom patras di e kolom “No.” ariba e formulario digital.

DAO ta informa cu ta obligatorio pa yena e Registro di Personal.

DAO lo mandabo via e-mail un comprobante cu a ricibi e formulario di Registro di Personal 2024. Tene cuenta cu e comprobante di entrega no ta implica aprobacion di e Registro di Personal 2024. DAO lo duna durante aña 2025 aprobacion of desaprobacion di e Registro di Personal 2024.

E ta obligatoria pa den

e periodo di 5 februari 2025 te cu 16 april 2025 pa entrega digitalmente e Registro di Personal 2024.

Companianan cu no ta cumpli cu entrega di e Registro di Personal den e periodo menciona como tambe esnan cu no a entrega esaki e aña anterior ta den incumplimento cu articulo 30 di e Ordenansa Laboral 2013. DAO lo bay over na tuma accion contra esakinan. E compania lo por ricibi un sancion administrativo di Afl. 5.000,- pa no cumpli cu e obligacion di entrega di e Registro di Personal. Tene bon na cuenta cu den caso cu un Registro di Personal no ta corectamente yena, ta considera esaki tambe un incumplimento di parti di e compania.


Pa companianan cu ta haci uzo di un intermediario (p.e. accountings- of adviesbureau) DAO kier recorda cu cumplimiento di nos leynan laboral ta un obligacion di e dunado di trabou y no di e intermediario.

Sitin mas pregunta tocante e Registro di Personal por tuma contacto cu Sra. Louissetty Croes na 523-7722 of via email louissetty.croes@aruba.gov.aw of cu un funcionario di Bureau Arbeidsmarkttonderzoek na 523-7720.

PELEA FORMAL NA E HOTZONE Banda di AREA HOTELERO

Diadomingo madrugada a drenta informe di un pelea formal e incontrolable na e hotzone banda di e hotelnan highrise, mesora a despacha polisnan na e sitio incontrolable. Na yegada di e patruyanan a bin compronde cu ta trata di pelea entre localnan cu turistanan. Polis a cuminsa plama nan for di otro pa asina restaura ordo.





Cu honda pena, pero conforme cu decision di Dios, nos ta anuncia fayecimento inespera di nos tan stima casa, tata, suegro, welo, omo, y amigo stima...

Virgilio Pascual Laclé

Mihor conoci como “Milo”

Naci: 24 Dec. 1937 • Fayeci 3 Feb. 2025

Na number di su casa:
Alejandrina Laclé-Tromp

Di su yiunan:
Nilton Laclé y yiu.
Andy, Marien Laclé-Diaz Rios y yiu.

Di su nietonan stima:
Mitchell Laclé.
Jake Laclé.

Na memoria:
Milo awor ta acudi cerca su rumannan kendenan a bay prome cune, esta Ovid Laclé, Dufi Laclé, Chai Laclé, Sildo Laclé, Etta Theysen-Laclé, Chichi Laclé, Eddy Laclé, Pina Lindeborg-Laclé, Efe Laclé, Sita Croes-Laclé, y Annie Laclé.

Na number di su cuñanan:
Bertha Fingal y yiu, Lita Tromp y yiu, Magdalena Tromp y yiunan, Livia Vrolijk y yiunan.

Cu hopi cariño: Na number di sobrino- y sobrinanan hopi costumbra, Jeanette Bruin-Laclé, Sharine Vrolijk, Alfred Lindeborg, Helene Wong-Croes, Lientje Laclé, Dr. Gregory Laclé, Yvette Laclé, Franklin Laclé, Renny Laclé.

Bisiña- y bon amigonan di cas:
Jane Oduber, Calvin Tromp y famia, Deka Feliciano y Herbie, Marlin Erasmus y famia, Shuliska Rosaria, Shirley Oduber y famia, Emily Croes-Oduber y famia, Susana Schwengle, Teng Werleman, Carlos Brokke y famia. Tur su prima- y primonan.

Tur su ex-coleganan: Di Lago Oil & Transport, Ltd., Exxon Mobil Baytown Olefins Plant, Valero Refinery Powerhouse unit, ex-colega y hungadornan di Sport Club Aruba na Paradera.


Demas famia: Laclé, Tromp, Diaz Rios, Rosaria, Fingal, Oduber, Vrolijk, Lindeborg, Bruin, Croes, Upegui, Franken, Giel, Ras, Yarzagaray.

TA INVITA pa oportunidad pa condoleer riba Diamars, 11 Februari 2025 na Royal Funeral Home na Cumana, for di 7:00 pm te cu 9:00 pm.

DESPEDIDA di nos Milo stima lo tuma lugar riba fecha di Diaranson, 12 Februari 2025 na Royal Funeral Home na Cumana, for di 2:00 pm te cu 4:00 pm. Despues di respons lo sigui pa entierro na Santana Catolico di Paradera.

Enves di flor of krans, famia ta bay sigui yuda Milo kende semper a stima y tabata haci donacion casi henter su bida na e hobennan dinamico di **YMCA San Nicolas**. Lo tin un box disponibel pa haci e donacion.

Despues di entierro, no ta acepta bishita di condolencia na cas.



SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

FORTALEZA PA FAMILIA

Scirbi pa Pastor Marcel Balootje.

SCURIDAD POR RONDONA, PERO ABO NO TA YIU DI SCURIDAD

Un pisca ta landa den awa salo, pero awa salo no ta den e pisca, ora nos ta bay come pisca nos ta ripara cu nos mester pone salo riba dje, den e preparacion cu nos ta haci cu e pisca pa e smaak miho.

Mescos cu nos bida ta rondona cu scuridad, pasobra scuridad, maldad, inmoralidad, abominacion ta rond mundo, y tin hende no ta keda contento ora bo menciona cierto comportacion, pero esey ta peliger cu ta existi ora bo laga scuridad domina bo bida, cu tur su tipo di actividad.

Riba e mundo aki ta dos caminda tin e caminda di lus den Crsito Hesus, y e caminda di scuridad di diabel. Tin hopi a purba traha un caminda meymey di nan dos, pero esey ta un caminda imaginario, pasobra ningun hende por sirbi dos shon.

Ta hopi tipo di distraccion tin cu ta hiba hende den scuridad, y e movicion ta asina suave, cu casi bo no ta ripara cu ta den scuridad bo ta drentando, tin biaha un cantica cu

bo ta canta, of un video cu bo ta mira ta hiba bo den scuridad sin bo sa. Pasobra den un palabra bisa, bo ta wordo seduci pa scuridad y pica, y si bo no ta lanta bo ta cay aden,

Ma boso rumannan, no ta den scuridad, cu e dia ey lo sorprende boso, manera un ladron, pasobra boso tur ta yunan di lus, y yunan di dia. Nos no ta di anochi, ni di scuridad. (1 Thesaloinisensenan 5:4-5).

Nos bida ta produci fruta, y na nos frutanan hende lo reconoce cu nos ta di lus of nos ta di scuridad, pasobra un bon mata ta produci bon fruta, y un mal mata ta produci mal fruta.

Biba segun e Carni ta produci corrupcion y biba segun e Spirito di Dios ta hiba na bida eterna.

Un hende por ta den un fiesta cu hopi lus y cu hopi zonido, pero toch den scuridad, pasobra tur e cos ey no ta den boluntad di Dios, y no ta agrada Dios.

Ora nos contacto cu Dios no ta constante nos ta cay den sonjo, cu ta fria nos y aparta nos for di e caminda di Dios, e ta keda notabel den nos sirbishi na Dios, cual volumen ta baha, y nos ta cuminsa perde interes, especialmente den nos bida di oracion, y nos ta cuminsa bira floho.

Pesey nos mester cana na un manera digno di Senyor, pa agrada Senyor den tur

sentido, dunando fruta den tur bon obra, y creciendo den conocimiento di Dios. Pasobra E a libra nos di e poder scuridad y a traslada nos pa e reino di su Yiu stima, den kende nos tin redencion, y pordon di picanan. (Colosensenan 1:10-13).

Pasobra antes boso tabata scuridad, awor boso ta lus den Senyor, cana como

yunan di lus. pasobra e fruta di e lus ta consisti di tur bondad y husticia y berdad, Tratando di sinja loke ta agradabel na Senyor. Y no participa den obranan infructifero di scuridad, ma mas bien expone nan. pasobra ta un berguensa hasta pa papia di e cosnan cu nan a haci na secreto. (Efesionan 5:8-12).

E ora ey Hesus a bolbe papia cu nan bisando: Ami ta e lus di mundo, esun cu sigi Mi lo no cana den scuridad. Ma lo tin lus di bida. (Juan 8:12).

Esaki ta e mensahe cu nos a tende di dj'E y ta anuncia na boso cu Dios ta lus y den dj'E no tin nada-nada di scuridad. Laga e lus poderoso di Dios briya tur momento.



Cu profundo tristesa pero conforme cu e boluntad di Dios,
Partido MEP ta anuncia fayecimento y acto di entierro di
Co-Fundador di nos Partido MEP:



SEÑOR HENDRICK CROES

* 03 Juli 1938 - † 06 Februari 2025

OPORTUNIDAD PA DESPEDI:

Diamars 11 di februari 2025, 12:30 pm. na Cede di MEP na Santa Cruz

ACTO DI ENTIERO:

Diamars 11 di februari 2025 for di 1:00 pm pa 4:00 pm.
na Misa Imaculada Concepcion na Santa Cruz

Partido MEP ta extende palabranan di profundo condolencia na
su casa Yuyu, yiu, nieta y demas famia.

Cu señora Hendrik sosega na paz.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo